



序

皇華所紀述。征夫之憂勞。非以叙景物。寫雲樹。效學士之閒吟已也。余仕川。由蘆山內推留補天全。其間從征涼山。賊蠻接濟烏蒙。鎮雄兵精辦運西藏糧務。經理天全苗疆原隰。誦誦克肩重役者。屢矣。每卽事。作爲詩歌。多係紀軍政陳機要。未易殫述也。時維歲

壬子引

見後。涖天全新州。任甫四閱月。改土設流。宏綱畢舉。願指



氣使苗民從欲以治蒙

制臺黃撫臺憲

嘉余政成會

題

量移瀘州延及八月二十日得代於重陽抵省城將由水路赴新任也晨奉

藩道

促名面諭以西藏之行且勒限行期兌餉銀整賞需簡僕從匆匆治裝於九月廿二日起程一路蓐食風飡迢迢關河經十五番邦而至烏斯藏蓋西域徼外卽司馬相如所通之西南夷也仰藉

皇靈

憲威毫無差誤得竣事焉是役也往回九閱月程途二萬里所歷者雪山砂嶺所食者糝巴酪漿登岑彌望卽赤脚仙之玉瑤世界也仗劍環廬一典屬國之住牧嘯歌也弔戰場則枕戈待旦臨雪窖則躡足提心時時以餉銀在念諭夷爲重餘若爲不知也者而過之矣間一迴想猶覺歷歷在目也今需次家居手繙舊簿爰撮叙行程以誌一差之大槩若曰王事靡

序

監我獨賢勞賦楊柳雨雪而竊附於皇華四牡之後也。余則何敢。

附記雍正五年間余奉檄兼攝天全宣慰土司事務其赴任對聯云縮符蘆陽三年中歲稔人和時聞絃瑟之聲茂宰由來推鄒魯代庖和水百里外宣威布德叱馭靈關之路使星到處盡西南緣天全土司處川之西南邊徼用司馬相如故事也不知已爲進藏之兆蓋識語也人生行藏有定數詎不信夫

時

乾隆元年嘉平上浣之吉

濟南王世睿道存氏筆記

進藏紀程目錄

經歷諸番

行程規模

風景

土俗

夷情

物產

祭雪山文

經歷諸番

打箭爐 係明正宣慰司管轄

裡塘 雍正九年新授安撫土司

巴塘 雍正九年新授安撫土司

江卡 係營官管轄

乍了 係營官管轄

察木多 係呼圖兔管轄

類五齊 係呼圖兔管轄

洛龍宗

說班多

冰壩

扎什空撒

拉里

江達

墨竹工卡

得慶

以上俱係營官管轄

烏斯藏

係授封貝子管轄

打箭爐

自成都迤邐西南行歷雙流新津邛州名山雅安清溪等州縣化林協瀘定橋冷磧烹壩冷邊三長官土司計程一十六站山有百站孟山大相嶺飛越嶺黃草坪之險峻水有新津平羌瀘水之湍流直抵西爐則羣峰巒岼高插雲霄中敞一澗廣濶如平地番蠻聚族而居其石壘而層高者為礪樓土砌而脊平者為礪房人居其上牛豕在其下地不產五穀惟青稞與牛羊而已昔諸葛武侯征蠻曾于此地造箭遣一軍人監之厥後成神立廟享祀此打箭爐

之所由名也四方商賈輻輳爲州茶裹貨交易之所設有
欽差監督稅務而明正宣慰司實世守茲土焉由爐出口西南
行三十里爲折多山山半委折寬平易行四時皆雪彌望
如玉視內地已較然異矣又俗呼爲藥山人畜至此皆氣
喘不堪捷步須口含陽起石粉草或廣楨榔解之又五十
里爲提茹碎石參差土埠如椎髻一路皆蜿蜒石徑也又
四十里爲瓦七又二十里爲東鄂洛或平行草地或兩山
夾澗坦如也由山澗行三十里至中鍋塘登小山委曲行
十里至高日山頂則山春曠濶大雪瀰漫霧氣溟濛通事

云係終古如茲也約三里許盤旋而下則南嶺青杉北嶺
黃楊澗水之潺湲有聲石骨之嶙峋突起宛然入畫圖中
矣行三十里忽一石猙獰高可丈餘色青而翠欲流偃仰
之勢依稀太古傍當道而立土人云昔武侯南征曾宿于
石之旁故名曰卧龍石云由卧龍石入澗西行山腰鳥道
冰凌堅滑四十里至八角樓又三十五里至中渡按中渡
卽啞龍江上下中三渡皆有防汛把守水寬約箭許設平
底渡船一隻應差至往來行人皆由皮船過渡其製用兩
牛皮聯縫四邊陡起如墻止載一人一水手搖槳渡之飄

飄然駕一葉之扁舟也。又三十里至麻蓋中。出山澗上坡。過雪山四十里。至剪子灣。過小嶺二十里。至撥浪土。出山頂平濶。四時皆雪。五六月或得見土。而冬虫夏草出焉。又二十里至西鄂洛。一路上坡行四十里。下山卽咱嗎拉。硯迴望岩崖有如拱背。塘左一碣樓高聳如岑。殊足助觀。由咱嗎過谿河入山澗。約行二十里。歷小嶺五十里。至夾竹卡平疇。彌望路轉峰迴。又五十里至裡塘。

裡塘

裡塘正副營官新授爲安撫司之職。其地東至明正西至

巴塘與大小瓦述接壤。疆域寬平。蠻人順化。西南行五十里爲額哇。奔松草地。坦夷。小河水淺可渡。上坡亂石峻峭。行二十五里至西海子。一水冰凝。長里許。寬可四十餘丈。渟滯不動。行人過此。禁鎗鑼。忌高聲。若一觸犯。則雨雹雷電頃刻而至。又十五里至西海塘。又二十里至喇二塘。一路雪山寒風凜冽。又十五里至喇嘛丫。懸崖曲徑。宛轉村落。間過此。則或坡或澗。俱極平行。行六十里爲二郎灣。又五十里爲立登三。渠係廣衍稼穡地也。上坡行三十里。遙望一山長阪。積雪山脊。嶂呀處。旋風滾滾如萬馬奔馳之

狀則大朔山也。由山脊而下入澗，西行則兩山列峙，峰嵐
峯嶽青杉翠柏倚壁參天。一曲流澌清淺可愛，蜿蜒五十
里而至大朔塘。西行亂石中三十里登雪山，迴望山之東
瑩然玉砌，俯瞰山西層層下坡如遊釜底。行二十里爲元
根塘，十里爲崩父木，三十里爲小巴冲，一路翠柏丹崖，蒙
翳歷落殊不令人寂寞。忽而河流梗路，則有山半羊腸雲
棧，鱗次行三十里而巴塘在目焉。

巴塘

巴塘正副營官新授爲安撫司之職，其地東接裡塘，西聯

江卡與占對比鄰，世相仇殺。土廣俗淳，番人順化，地暖無
積雪，節氣與內地無殊。土產則葡萄、胡桃、粟、穀、蔬菜、羊
雞、鴨、獐、獐、獐、艾、葉、豹、元、狐、獺、兒之屬。治東有溫泉，澄泓一
池，清潔可浴。街有小溪，司糧務者公餘鑿池引之，構草亭
于其上，觸景舒嘯亦足以極一方之勝槩焉。西行則金沙
江由西北而來，水色渾黃溶溶而下，兩岸皆山崖，水無泛
溢，屈曲至雲南轉馬湖，經叙府與川江合流。順金沙江之
半崖四十里至牛古塘，設有官船，江行四十里直抵竹巴
籠，若登陸則半崖窄徑一線盤曲抵塘，過渡順江行三十

里爲工喇又四十里至空子頂石徑廻旋過頂面平又四十里爲邦木山路宛轉高下皆寬濶四十五里至滿多有漢人寺相傳爲番王避暑處十五里至谷黍四十五里至普喇一路烟村歷落衡宇相望地皆可耕又五十里而至江卡

江卡

江卡營官係烏斯藏所轄也圖域褊小番蠻悍野以剽竊爲事與隣番合謀截劫名曰夾巴其性殊不易馴由江卡入溝行六十里過雪山一架又溝行六十里至梨樹一片

荒山草逕並無蠻寨汛塘又六十里而至阿布喇則委折俯仰尚屬坦途也又四十里而至石板溝則嶺路迢遞盡山腰偏徑也忽而雪山橫亘歷五十里而至阿足忽而層巒干霄歷八十里而至落家宗再入溝順溪河履草地曲曲折折寬平無礙直至乍了

乍了

乍了係正副營官管轄番蠻悍野惟事剽竊較江卡尤甚且路多支溝易于藏匿過者宜倍加慎焉三十里至雨撒過雪山山之高不過里許東則山腰委折自頂以西雪路

編窄寬僅尺許深不計尺由山半直行而西則下臨無地
由西轉南層層折下雪路多坎陷馬蹶不能行卽徒步亦
時防躓跌焉五十里至昂地行山澗二十里至空撒過大
山高約五六里而巉岩險峻如上青天計五十里而至王
卡自王卡而西宛轉山徑平行易行六十里而至巴貢自
巴貢而南委折山蹊渡小河入崖間望之有兩石並峙渾
似關門前則溝之遠不知其幾許里也旁則崖之懸不知
其幾何丈也爲虎豹之所隱伏夾巴之所嘯聚焉東崖徑
偏而冰滑行里許馬首轉東而雪之深又不知其幾何尺

寸也登極頂則昌都交界此站計程一百二十里而至奔
地再循山半羊腸八十里而至蒙布過小嶺入山澗五十
里而昌都在目行北山半腰徑窄而偏下臨深溪宛轉及
平地而仰覘昌都殆屹然雄鎮矣哉

察木多

又名昌都
卽頭藏

察木多爲三藏之頭藏國王號呼圖兔衣服類喇嘛而鬚
髮猶是番人所居背倚南山碉房深邃洞宇紆迴下臨土
埠番民環集于其上三面河渠中隆起而頂平幅幘約計
數里石樓蕭寺高可凌雲彩能耀日夜靜鐘鳴鷄唱犬吠

喧噏似一都會也。于坡下建營壘，列市肆爲西蜀南滇大兵駐防之所。東望則江流如帶，湍急而環抱；南望則山岫如屏，幽峻而列峙。加以羣峰羅列，若遠若近，殆居然西域形勝，非荒殘寥落者所可埒也。雲南進藏者，路至此會合。由此而西出郭門，沿江澗，青山綠水，秀異非常。四十里而至鄂洛藏，從山半行，歷雲棧，渡偏橋，六十里而至過脚。登山多窄徑，雪深尺許，行五十里下山，行十里爲喇貢。過冰橋，履狹路五十里而至恩達，又二十里而至瓦河山。按此山爲西域第一雪山，五峰綿亘，高插雲霄，由深澗近山脚

歷坡而上，大雪瀰漫，無涯涘。至第二峰，路傍有海子一片，冰凝深廣，難測。經其旁，啣枚而過，亦如裡塘之西海子，罔敢觸犯也。登絕頂，昂首四望，雪連天，天連雪，草樹土地皆無其形，南北東西幾于莫辨。卽岩岫煙雲亦在迷離間矣。過行至山盡處，馳長坂而下，入松林，渡山溪，共計程一百二十里而至瓦河蠻寨，宿焉。凡往來過此山者，必于一更時造飯，二更時起行，口含檳榔，或粉草，或陽起石，以避陰寒之氣。乘坐者時騎，時走，步行者兩足毋得停歇。夜行令蠻夫多備火把引導，務于停午趨行至山之盡處，蓋足不

動則凍裂墜指無火把則鬼出迷人過日午則寒風陡發
雪逕皆迷矣又必于第二架山岫內熬茶或燒酒飲之但
禁從人萬萬勿以手足近火可耳由蠻寨入溝行數里踰
小嶺穿杉林三十里而至麻里麻里平坦也登西崖行三
十里下懸崖而至三巴又上山崎嶇三十里至敵工塘下
陡澗入深溝宛轉六十里而至洛龍宗查恩達瓦河係類
五齊呼圖兔管轄地方所用番民皆馴順較江卡乍了殆
若逕庭云

洛龍宗

洛龍宗疆域褊小與準噶爾爲隣蔓草荒烟居然僻壤營
官居高埠坐礪房番民列族而處焉入河堤西行過雪嶺
五十里至鐵凹二十里至紫托二十里至曲齒四十里至
說班多一路高陵深谷非盡平壤而無多坎坷稱坦途焉

說班多

說班多有正副營官地踞形勝洞門高敞礪樓峻巍環以
長垣如雄鎮焉土產綠松石青金石食物則青稞豌豆牛
隻而已過雪嶺四十里至中譯再過雪嶺四十里至巴里
郎行十里登雪山山橫寬十五里雪深尺許又四十里而

至索嗎郎入溝行四十里而至拉子拉子山表延不過數里。雪深不過尺許。而處處冰凌堅滑。必扶杖乃可舉步。越五十里而地名冰坭良不誣也。

冰壩

冰坭小營官係說班多兼攝居蠻寺佛殿神龕開殿巍峩離里許則蠻寨實憩息之所。川滇大兵曾駐防於此焉。歷四十里爲甲喇。又四十里爲丹達。皆坦途也。又二十里至土國中雪山疊嶂。高聳雲霄。登山脊險峻異常。上下崎嶇。約四十里至山脚。入溝行五十里而至郎吉宗。渡谿河四

道。或由山半羊腸。或由河坭石徑。路窄而險。六十里而至大阿。又六十里而至阿蘭多。由阿蘭多過橋六座。峻石之蹭蹬。棧道之偏仄。行八十里而至甲工。又六十里而至多洞。又四十里而至魯工。納按魯工。納係西域險要雪山也。歷兩峰至陡絕處。行雪上路不及尺。左臨雪窖深數十丈。右倚山根巉削而壁立。舍馬而徒。扶杖以登。步不數武。喘急不可行。將及頂。泥滑不能着足。頂狹止容五六人。速奔而下。山陡雪滑。急不留行。不數刻已二十餘里。抵平地焉。又四十里而至擦竹卡。行雪地過雪山六十里而至拉里。

接大阿阿蘭等處係扎什空撒營官管轄地方荒草蒙茸
牛羊千百成羣。爲黑帳房住牧之地濕濕濺濺者徧野貨
酪酥者沿途殆杳無蠻寨居室焉。又阿蘭多之西崖產銀
鑛蠻民聚挖亦一寶山也。

拉里

拉里營官巢穴高踞峻崖。屬以棘門屹然如城墉。傍崖居
民落落如晨星。地苦寒多陰翳積雪。登拉里山委折而上
左臨雪窖深數十丈不測。至頂頗陡險委折而下六十里
至阿咱五十里。至喜竹路傍有海子兩崖夾澗水冰凝不

動適中處露一洞孔水黑而流其禁忌與裡塘瓦河相同
傍東崖南行十里至海之盡處一轉而東三十里至山灣
又轉而登西山委折偏坡下山多石徑五十里至常多三
十里至洞古三十里至寧多七十里至江達猶稱坦途焉。

江達

江達營官三員居平埠地曠而民稀五十里至順達四十
五里至三巴入溝行四十五里至鹿馬里又十里上嶺行
風寒而勁。侵人肌膚。詢之土人蓋自古苦寒地也。七十里
至磊達行四十里山溪東崖下有湯泉由平地石罅中滾

滾而出氣蒸而沸沫色如硫黃香亦可嗅近旁涇滴一池
澄泓清潔可以浴可以風又十里至烏蘇四十里至寧欽
三十里至結宗又三十里而至工卡此一番國也山川平
曠民安耕鑿有無懷葛天之風蓋近佛國而風景頓殊矣
墨竹工卡

墨竹工卡疆域褊小而陵谷開敞兩山列峙屈曲隨人蠻
寨蠻寺若繪若畫其淡遠浮動之勢渾如仙島且人勤耕
稼稻畦繡錯一如內地溪流清淺中之鼓鬣而浮潛上下
者殊有游泳自得之樂五十里而至拉末十里而至車峪

四十里而至得慶宿焉

得慶

得慶小番國也地不過一區而偏近西藏爲首衝之所礪
房高敞風景熙和頗類工卡三十里至砌塘五里及河夏
間水勢瀚漫無正派冬水歸槽有船可渡另有皮船以濟
行人其形亦如啞龍江中渡之制又十五里而至西藏

烏斯藏

烏斯藏古陳古忒地方一名西藏又名中藏東臨大河西
枕葦蕩前揖峻嶺後倚高山離後藏班禪喇嘛八日之程

實番王之窟宅西域活佛之寶刹諸蕃職貢之所會而喇
嘛僧之所卓錫而處也形勢如內地一大鎮東西約七八
里南北約三四里街廛數四忽斷忽聯草樹溪流亦隱亦
見番王頗納台吉受封貝子其子若壻俱封輔國公居于
藏之西偏穹窿碉樓拾級而登凡五層高插雲表內設毡
氊趺坐實番王之巢窟也有活佛名達賴喇嘛甫生即能
言童身多智慧識過去現在未來休咎圓寂復轉世蓋生
死此一人焉西域諸國敬之如神明貢獻絡繹不絕設佛
座于藏之關西高埠石逕危欄循崖而上及頂石墻如城

扃以鐵扉門啟而入婉轉多曲竇洞黑莫辨及中則佛座
如四字羣樓圍以雕檻中合一頂如華蓋繡柱璀璨則

天賜之錦幢也玉砌精瑩則土產之青藍也四壁熒煌則塗飾
之土黃也一龕高擎恍如繡墩者為達賴之寶座座右蹲
踞而侍者為考選之衆僧座前左列者為坐藏之天使右
列者為諸番之覲臣列于中而主位者為貝子為輔國公
忽而錦衣繡靴右手執斧左手執干脚綴銅鈴跳舞而前
者童子十有四人則番王之樂也忽而甲冑其身傀儡其
面天神天將騰躍而至者羽士共有九人則番王之戲也

忽而兩僧披袈裟露右臂手指口畫于座前也則說法也
忽而扛擡者洞庫門而種種色色承筐是將矣則貝子之
納貢于達賴活佛也若夫陳藏果進酪漿酥餅牛羊之羅
列也則貝子之所以燕嘉賓也蓋番王以每歲之二月一
日爲年節此其設朝致貢筵宴使臣爲大禮云另一大寺
名爲大招係與坐藏大人議事之會府內塑唐朝公主神
像寺前一方碑字漫滅不可識亦唐朝法物也國多喇嘛
喜誦法華經地產青稞其稻米棗杏葡萄冰糖俱出後藏
造土香市珍珠珊瑚瑇瑁密蠟綠松石青金石瑪瑙石青

石藍石黃赤金瓊瓊毡瓊之類至藏佛中有舍利固非
易得而納古木椀爲番王職貢更稱至寶焉總計自成都
歷諸番蓋閱四月而至西藏云

行程規模

餉銀關係重大。奉命差遣。必以臨陣之心。持之稍不及。檢墜水既如撈月。被盜亦歸烏有。既有短才長馭之誚。兼有傾囊解篋之累。所關豈淺鮮哉。予奉

督撫檄飭赴藩庫領兌。每百紙封再用布裹十封一篋。卽加封條內實以米以塞銀封。使勿動搖也。外用油灰以固篋口。勿使浸濕也。凡包封及入篋之時。必以親信人監之。要緊要緊兌完。暫貯庫內。迨卜吉起行。予定以行營之法。撮其大要者四條。

一則分隊而行也。餉垛既多，易致壅擠。川路窄狹，亦難並行。雖同事者，一典史二武舉三外委，彼皆可推卸于我，我不敢盡倚仗于彼也。責之分任在督押者，有權而彼自無可推卸矣。予以此法面稟

藩道兩憲允准，卽于

紫薇堂分發焉。其法每二十垛爲一隊，大書字號于銀包之上。差同事一員管解，派撥家人一名兵丁若干名協解，點齊前行。約計里許，再照前法點撥。蓋差員分管各立字號，倘有踈失，着落認賠。彼自難以推混。又夷地駝載盡是犏

牛毛牛，不施羈縶之物，必結隊相隔里許，始免奔馳壅擠踈虞之患。再于頭隊之前尋一峽口，令親信人清點以防詭寄。又過大雪山或海子旁，或山路陡險處，或河流寬急處，務令蠻夫趕十數空牛引路開道。至錦布茶煙各種賞需，垛子均先發令其前行。派撥一二人家人管押足矣。各隊發畢，戒騎從束劍佩，整儀衛以督其後。儼然有五人爲伍，十人爲什陣間容陣隊間容隊之勢。

一則包裹宜慎也。川省餉銀不用木鞘，俱以油篋盛載。駝至打箭爐，例換牛皮包裹其牛皮于糧務衙門取用其皮。

匠于明正土司催取就行署內擇清淨寬敞之處令外委家人二三人監看先將地下磚石等項堅硬之物盡行揀去再將皮匠搜檢放進次將餉銀每五篋拆一次點交皮匠包裹蓋從前有將鉄石抵換者不可不慎也舊例五百兩爲一包每兩包用皮條一根拴聯至上塚時另用皮條牽拴于烏拉駝鞍之上雖任其奔馳可無踈失矣但路遠站長恐被山石摩擦須行至半月二十日之後逐包細細加緊始爲慎密

一則收發宜清也餉銀至二十萬兩駝載至二百餘塚若

收發不清易致乘機作弊法宜于晨起將駝牛點齊仍按隊伍從第一隊發起發完逐塚拴繫牢固暫停于空隙之處俟一總發完俱已牢拴方可將第一隊開行逐隊開完仍令人于前路狹處清點總數倘有差少卽着落管解員役立刻搜查不得少遲至晚間查收仍按各隊字號查照原駝包數挨次收于正房之中如歇帳房卽將銀包鋪平上坐卧一二人令其看守勿用多人以致推混房外撥定更夫名數給以梆鑼責令徹夜巡更禁止夜間亂動至外委家人等諭令闡定更次輪流坐夜各將器械繫緊隨身

不得離遠亦有本日站長贖行遲至更深隊伍或至混淆若點收少數須照字號查明着落管解員役押帶蠻夫頭人連夜搜查于深溝石腔之中躡其牛跡自可尋出其藏匿蠻夫亦宜大威小懲以儆前途但不可驚惶致生事端一則給賞宜厚也按站給價分項頒賞皆所以施惠番彝但番人之性銀錢非其所重惟中國財物彼則視為奇珍凡遇有營官頭人之處例必更換烏拉法宜先頒賞需如緞錦綾布哈達銀牌茶煙等項按其官役尊卑逐名頒給再按站程查照

題定脚價銀兩當面親自給發務取蠻人領狀存案即守夜更夫與護送蠻兵汛守塘兵每晚酌賞烟茶以酬其勞獨西藏貝子送以裝緞其脚價係大頭人收領再脚價銀兩在沿途糧務衙門支取給發又額定賞需勢不足用必另自多備以供往回之需事竣斟酌報銷可也若給賞微薄番蠻呼應不靈則耽延時日或以疲瘦烏拉應付反受其累膺皇華之任者幸留意焉又去時賞需例應造報回時賞需不准開銷其輕重間亦須加斟酌也

風景

山明水秀寒燠陰陽爽闔而清淑者華風也殘山剩水雪
嶺沙磧慘淡而荒涼者夷風也打箭爐地處極邊猶近內
地水光山色尚覺有情漸向西南則陰凝之氣徧于山川
慘戚之狀徵于木石昔人列爲荒服號爲窮荒良有以也
巴裡二塘氣候清和渾似中原墨竹江達江山活動居然
佛國啞龍金沙之浩瀚巴塘江達湯泉之澄泓殆未易數
數觀其餘山非積雪則濯濯一砂坵也川非濁流則盈盈
一黑湫也蒙茸零落無蔚然深秀者木容憔悴無挺然參

天者至折多撥浪工山藏積毒藥氣蒸人鹿馬里之寒風
沁骨大朔瓦河魯工納沙工納拉里諸雪山亘古積陰雪
窖深數十丈卽五六月間亦從無融出地面者其他雪嶺
盡屬培塿處處皆然蓋中華外夷天地生成荒徼風景誠
難與十五國埒也

土俗

川省多土司蠻苗猓羅種類不一花絨毡褐衣服各殊婚
嫁死喪語言飲食之不相通已不能齊之爲一致極邊而
至打箭爐迤邐而至烏斯藏其俗又迥不侔矣自漢司馬

相如關靈關以通西南夷靈關爲蘆山天全交界地則西
南夷正打箭爐以外諸番也男女皆衣毡裘披毛褐皮履
蓬頭垢面間有以羊皮冠者其富者則衣花氍毹至明正
巴裡等土官錦冠高頂絨緯而袍褂一如漢制其他營官
皆高冠服色緞或服花氍毹束蛇皮蠻帶與漢官見先通
哈達如漢儀之以手本接見者漢官亦賞之以哈達次送
奶茶亦賞之以茶塊並頒及銀牌綾緞之類番國無城郭
其房舍之壘土而層高者爲碉房其壘石而層高者爲碉
樓多營建于嶮巖孤岑之上地不產五穀種青稞牧牛羊

所食惟酪漿嗜巴間有不火而食生牛肉者殆依然茹毛
飲血之古風歟人喜嗜茶每食必飲綠腥羶油膩之物塞
腸胃必賴茶以滌蕩之此川茶所以行遠也番婦幼以瑁
環鐲手帶之至老及笄則以珊瑚松石密蠟琉璃珠等物
飾長辮綴于首死則取以送梵寺不以傳子孫也死不哭
不變服有火葬者水葬者置山頂者置樹叉者嚮以飼狗
者飼鷹者將其骨和土搗如泥鑄如缶置之廟內或塞之
山脚下者婚姻則以狐皮爲禮而嫁之其賂奩或以牛或
以狗喜奉佛家延一僧日夜誦法華多喇嘛寺梵宇琳宮
金碧相望樹之寶幢懸之錦幃塑像一如內地番民傾貲
供奉焉蠻娼名爲打沙鴉番漢交易多此輩主之在西藏
者以珍珠旋繞于帽查之上精光奪目有一帽而價值數
百金至千金者西域夷俗蓋難殫述焉

夷情

番地苦寒無多物產亦無吉凶燕饗賓祭往來之儀性拙
不善工作無他營運惟種青稞牧牛羊以養生送死而已
打箭爐爲諸夷負販會集之處習染漢智狡而多詐乍了
江卡兩番樂于剽竊殊不馴順爲番民之最野者巴裡二

塘淳風沕穆忠順誠朴獨爲近古其餘他番皆不識不知混混沌沌俯首順化者也番人言語不通皆于明正司選取通事爲繙譯其字類滿文而無烏朱頭之相彷彿其筆削竹爲之銳其鋒蘸以墨水紙則如山西之毛頭更薄而亮其人勇于趨死而畏杖責蓋夷情大槩如此

物產

山珍海錯彩禽奇獸中華有之不可得之西域以禽則山雞馬雞黃鷹鵲鴉之屬以獸則猓猓獾艾葉豹元狐獺兒香麝毛牛犏牛山羊蠻狗之類以菓則西藏之杏棗葡萄

巴塘之葡萄核桃延壽果皆佳穀也以菜則巴塘之白菜蘿蔔葱韭元根他番無有也以穀惟產青稞至巴塘之粟米墨竹之稻穀不多見也以木則松柏杉楊間有之說班多以西有地柏枝榦盤曲沿地而生藏香之料卽此以珍寶則珊瑚密蠟瑔瑪瑙綠松石青金石石青石綠石藍石黃沙金藏錢藏佛納骨椀阿布咱椀等類至毛氈氍毹絨邊絨褐藏紬又番人之所以爲衣者其他物產不少槩見云

祭西域沿途雪山文

維

雍正十年歲次壬子四月戊子朔越宜祭日奉差使者四
川直隸瀘州知州加一級紀錄四次王世睿謹以牲帛清
酌之儀祭告於

灑

工灑湖山主之神及死事之鬼魂曰峰巘西陲表坤維之奠

麗雲環

北關拱

乾極于要荒久被

天子之聲靈宜昭

王道之平蕩。迺風旋幽麓。冰花凍合樓臺。豈鬼聚陰山。雪淚泣

昏日月。本州恭膺

題薦。叨任方州。爰奉

簡書。經臨大綱仰體

督撫大人。差委之重大。無敢戲渝。無敢馳驅。遂蒙爾等

山主呵護之精英。無輸爾載。無脫爾輻。雙旌復駕。感

山靈之庇佑。多功一騎。重臨痛幽魂之羈留。何苦念爾等。或

為從征將士。或為陣亡蠻人。或籍隸乎川蜀。或家居于黔

滇。九原難問。一死可憐。與其留茲。不如歸去。念爾等父子

兄弟。陟岵陟岡。聞人言而將信。將疑。親串族朋。若驚若誅

穿望眼而酸心。酸鼻縱不能生還。故里樂家室之團圓。亦

當知死重首丘。享兒孫之香火。凄凄芳草。勿徒為岐路之

悲渺渺。白雲曷急作歸遊之夢。况此地為皇華載道。

天子之使命往來。凡山魍木客。久已藏形。即爾山亦白嶽。餘支

皇王之祭告。溥及彼鬼厲。么魔。何不驅逐。從此陽和。徧地蚤回

黍谷之春。皓月當空。不復黎丘之鬼。山阿之靈。花獻瑞雪

落平沙。行役之馬蹄塵輕。人歌楊柳。本州敬以帛一羊一

香三茶三祭告於爾

本山之神以及死事之鬼尚其

饗諸



